

O rom, kon kaver luma phirdas - Az eltűnt cigány

Írta: Rostás - Farkas György
2012. február 06. hétfő, 13:03 -

Pe jekh tomnaki ratyi jekh rom zhalas khore perdal pe murmunci. Sar zhal, daba dikhel variso, ke tunyariko sas. Ande kirchima sas, haj akanak lokhes zhal khore. Ushtyavel jekh baro, murmunto sas kothe, haj tele pelas po murmunto. Mates phenel e vorba:

— Mishto avlas kadale manushesa te xav ratyine!

Lokhes khore gelas. Sar xalas, varikon mardas o vudar. Andre avilas jekh gazho, ande kalye gadende.

— Lashi ratyi more, tu akhardan man, tu kamesas manca te xas? Akanak kathe som!

— Mishtoj, mishtoj, besh tele haj xa!

O gazho tele beshlas, haj xalas romesa. Pala kodi pile lashi mol. Kana chajile, o strejino phenel romeske:

— Chi daras mandar?

— Chi darav!

— Atunchi av manca kaj me beshav, vi me dav tu xamasko, pimasko. De me ande murmunci beshav. Vi kade aves manca?

O rom, kon kaver luma phirdas - Az eltűnt cigány

Írta: Rostás - Farkas György

2012. február 06. hétfő, 13:03 -

— Me chi darav, me chi bunuj, zhav tusa kaj tu beshes. Sikav mange o drom, haj zha tu angla mande!

Zhan avri ande murmunci. Kothe tordyiline, kaj sas bengesko murmunto, ke beng sas kodo mulo gazho. Po murmunto avri puterdylas jekh bari xiv kerdyilas, gradichonca. O rom chi akanak chi darajlass, de ferindo sas, angle las peski shuri, haj zurales xutyildas la. O beng sama las kodi, haj phendas leske:

— Chi trubuj shuri, me chi som tyo dushmano, av manca tele, haj na dara!

— Mishtoj, mishtoj! — phendas o rom, ke inke jekh cerra mato sas la molyatar.

Kana tele resline telaj e phuv, jekh shukar mal dikhlas o rom, haj shukares pekelas o kham, haj dicholas jekh shukar baro kher.

— Kado kher muroj! Faj tu lestar!

— Faj ma, de ma chi trubuj, si ma opre pe phuv jekh cini kolyiba, vi kodi lashij mange!

— Shaj si tu kasavo shukar kher!

— Maj dela o Del! — phendas lokhes o rom.

— So phendan more? — pushlas o mulo e romestar.

— Chi phendom khanchi, feri xasav!

O rom, kon kaver luma phirdas - Az eltűnt cigány

Írta: Rostás - Farkas György

2012. február 06. hétfő, 13:03 -

— Mishtoj, mishtoj! Akanak vi aba kathej muro kher. Av andre, haj xa manca vi kathe. Daras?

— Chi darav, zha tu angle, haj dikh o drom!

O mulo, ke beng sas, sako falo zhanglas te kerel. Vrazhisardas pe mesalyate but xamasko, pimasko. Sas kothe peko mas, kirado mas, goj, parno manro, thulomas. O rom haj o mulo xale, pile. Kana o rom chajilas, kade phendas le bengeske, le muleske:

— Najis tyo lashipe, de me aba kamav te zhav khere!

— Ashun pe man more!

— Mishtoj, mishtoj!

— Me dav tut jekh trasta, ande late manro si. Kana varikon dela tu variso xamasko, pimasko, vi tu trubuj te des anda tyo manro. Te na bister so me phendom, te muri vorba bistres, meresa!

— Mishtoj, mishtoj! — phendas o rom lokhes, ke cerra mato sas.

O mulo ingerdas le romes kaj sas le gradichuri, kaj o murmunto.

— Kothe zhal opre tyo drom, more, zha khere, zha palpale pe phuv!

O rom opre zhalas pe gradichuri, haj pale ande murmunci sas. O murmunto andre

O rom, kon kaver luma phirdas - Az eltűnt cigány

Írta: Rostás - Farkas György

2012. február 06. hétfő, 13:03 -

phandadyilas. O rom krujal dikhlas, chudij pes, ke bipinzhardo sas o than. Sarte barilinosas e murmunci, haj o gav. But khera sas kothe, de kana voj tele zhalas, inke nas. So pecipijas?

Zhikaj o rom kothe sas kaj o mulo, shel bersh nachilas pe phuv. O rom chi zhanglas kodi. Mizmeri sas. Zhalas po drom, kaj sas e kirchima. Misto late jekh kaver kirchima sas kothe, jekh nyevi. Chi pinzhardas kothe chi jekh manushes. Pushlas manushendar:

— Mure manusha! Beshlas kathe jekh rom, kon pulnijari sas, lesko anav sas Joka.

— Me chi pinzharav les, kathe chi trajol pulnijari, chi Joka chi kaver. De akanak avel jekh phuro gazho, kon ijavar desh bershengoj, voj sakofalo zhanel.

Avilas kaj e kirchima jekh phuro gazho, kon bakrari sas, vi lesko anav Bakrari sas. Dyes das o phuro, haj pushenas lestar:

— Pinzhares phuro kasave romes kon pulnijari sas, haj lesko anav Joka sas?

— Kana me cino shavo somas, muro dad phendas mange, hoj trajilas pe gavesko agor jekh rom, kon pulnijari sas, haj lesko anav Joka sas, de kodo rom jekhar xasajlas. Chi khonyik chi zhanglas pa leste khanchi.

— Phuro, me som kodo rom, se som Joka, me avilom palpale...

— Na phen more, naj chaches so te phenes amenge, ke kodo rom shel bersh aba kaj xasajlas!

— Shel bersh nachilas, kaj me palpale avilom?

O rom, kon kaver luma phirdas - Az eltűnt cigány

Írta: Rostás - Farkas György

2012. február 06. hétfő, 13:03 -

Sakon chudinas pen, haj magline le romes, te phenel peski paramicha. Haj o rom phendas so pecipijs lesa. Le gazhe dine les pimasko, xamasko, e paramicha majmishto te zhal. O rom bisterdas kodi, so phendas o mulo, chi das le manushenge manro. Jekhar so dikhline le gazhe. E romeske shor lokhes barilas, barilas, haj o rom phurilas, avlas penda bershengoj, shovvardesh bershengoj..., shel bershengoj, haj o rom mulas. Chi inkerdas andre so phendas les o beng.

E trasta, ande soste sas o manro, baro glaso das, haj e trasta aba chi sas kothe. O beng palpale ingerdas o manro.